

Laksana Projek Penyelidikan Geran Empowerment 2015

UniSZA terima dana RM2.8 juta

Oleh ROSALINDA MD. SAID
 utusanterengganu@utusan.com.my

■ KUALA TERENGGANU 18 OGOS

UNIVERSITI Sultan Zainal Abidin (UniSZA) baru-baru ini menerima dana RM2.8 juta daripada Wilayah Ekonomi Pantai Timur (ECER) untuk menjalankan Projek Penyelidikan Geran Empowerment 2015, dalam tempoh dua tahun.

Naib Canselornya, Prof. Datuk Dr. Yahaya Ibrahim berkata, di bawah geran tersebut UniSZA telah diberi kepercayaan oleh pihak ECER untuk melatih penduduk tempatan terutama di daerah Kemaman dan Dungun melalui program pemerkasaan bagi meningkatkan pendapatan keluarga masing-masing.

Katanya, UniSZA Perunding Sdn. Bhd. dan Unit Keusahawanan akan diberi tanggungjawab bagi mengendalikan program itu di bawah modul-modul yang telah ditetapkan.

"Dengan kepakaran dan pengetahuan luas UniSZA, kita komited membantu kerajaan dan ECER khasnya dalam memastikan program ini berjaya sekali gus membolehkan golongan sasaran melepasi tahap kemiskinan nasional," katanya dalam kenyataan di sini hari ini.

Penganugerahan dana itu dilaksanakan dalam majlis pertukaran memorandum persefahaman

(MoU), antara Majlis Pembangunan Wilayah Ekonomi Pantai Timur (ECERDC) dengan empat buah universiti yang turut disaksikan Perdana Menteri, Datuk Seri Najib Tun Razak di Putrajaya baru-baru ini.

Selain UniSZA, tiga buah universiti lain yang terlibat adalah Universiti Malaysia Pahang (UMP); Universiti Malaysia Kelantan (UMK) dan Swansea University dari United Kingdom.

Yang turut hadir, Ketua Pegawai Eksekutif ECERDC, Datuk

Seri Jebasingam Issace John dan Timbalan Naib Canselor (Penyelidikan dan Pembangunan), Prof. Dr. Mohd. Ekhwan Toriman dan Pengurus Besar UniSZA Perunding Sdn. Bhd., Rosli Zakaria.

Menurut Yahaya, hampir 200 peserta dalam kalangan mereka yang kurang berkemampuan dipilih bagi mengikuti program itu, malah UniSZA akan memantau prestasi peserta disamping memberikan bantuan kemudahan kredit bagi membolehkan mereka mengendalikan perniagaan.

Dalam perkembangan sama, Mohd. Ekhwan memberitahu, dua buah pusat penyelarasan telah dibuka di kedua-dua lokasi berkenaan bagi memudahkan inventori dan pelaksanaan modul Empowerment itu.

Katanya, program selama dua tahun itu diharapkan dapat mem-



YAHAYA IBRAHIM



Dengan kepakaran dan pengetahuan luas UniSZA, kita komited membantu kerajaan dan ECER khasnya dalam memastikan program ini berjaya sekali gus membolehkan golongan sasaran melepasi tahap kemiskinan nasional."

YAHAYA IBRAHIM
 Naib Canselor UniSZA

bantu dan membimbing peserta mengenai peluang perniagaan runcit serta aktiviti sara diri yang boleh meningkatkan pendapatan peserta.

"Pihak ECER juga telah bekerjasama dengan bank tempatan bagi menyediakan kemudahan kredit mikro kepada para peserta sekali gus, masalah mendapatkan modal untuk memulakan perniagaan dapat dipermudahkan seterusnya memberikan peluang kepada para peserta untuk memulakan perniagaan mereka tanpa adanya risiko besar.

"Syabas diucapkan kepada UniSZA di atas kejayaan memperoleh geran daripada ECER dan semoga lebih banyak kerjasama penyelidikan dapat dilaksanakan di antara UniSZA dengan pihak ECER pada masa hadapan," katanya.